

دعاة إلى السعادة □_ لايف سعيد جدا_ م علاء حامد

علاء حامد

الحمد لله وشهاده ان لا الله الا الله وحده لا شريك له وشهاده ان محمدا عبد الله ورسوله صلى الله عليه وسلم. اما بعد. اهلا ومرحبا بكم في لقاء جديد. لها لایفات يوم - 00:00:00

اتنين اه الله يبارك فيكم ويرضى عنكم. النهاردة زي ما انتم اه شايفين كده العنوان اسمه دعوة الى السعادة دعوة الى السعادة بنحاول ان احنا النهاردة آآنتكلم او نناقش - 00:00:14

آآ العنوان اللطيف الجميل المبهر اللي كل الناس بتحب تطوف حواليه وتتكلم فيه هو السعادة الاف المؤلفات الاف المحاضرات من عرب وعجم واجانب ومصريين وغرب وشرق ومؤلفات لا تعدد ولا تحصى. كانت تتكلم في - 00:00:31

السعادة وتحليلات بقى كتير السعادة في المال ولا مش في المال السعادة في يعني عموما هتجد الموضوع ده هو موضوع الساعة وكل ساعة. يعني ما في زمن ولا في مكان الا والموضوع ده هو شاغل شغل - 00:00:55

وللناس لان في الحقيقة زي ما ابن القيم بيقول في كتابه الجميل الداء والدواء ان هو تأمل في كل يعني مسارات البشر فوجدهم في النهاية يبحثون عن شيء واحد. يبحثون عن السعادة وعن دفع الهموم والغموم. يعني هو الانسان - 00:01:14

بغض النظر عن مسار حياته بيجد نفسه في النهاية هو في الآخر بيدور في بيلعب في الحنة ديت. في النهاية سواء مسارك آآكلية منصب مذكرة تفوق آآفلوس آآلعبة بهزار خروجات. هو في النهاية كلنا بنبحس في النهاية عن سكينة - 00:01:34

عن سعادة عن راحة نفس عن آآذهب هموم زهاب غموم كل مسارات الدنيا كل مسارات الناس كل سعي البشر بيدور حوالين ان الايه الحنة ديت. ربنا يبارك فيك يا محمد يا علاء. فابن القيم طبعا ناقش الموضوع ده في كتاب - 00:01:57

الداء والدواء وهنيجي المناقشة ديت. لكن بس انا بدبي مقدمة ان ده ده موضوع مش لا يبللي. يعني هو الموضوع ده في كل وقت وكل حين. ده كان النهاردة جاي اطرحه بشكل آآمنطقي جدا - 00:02:17

آآطبعا طبعي ان اه دايما اه الدعاء عموما واهل الاسلام دايما بيقولوا ان السعادة في طاعة الله سبحانه وتعالى. السعادة في اليمان في العمل الصالح. هذا كلام طبعي كلنا متوقعينه - 00:02:35

طالما علاء حامد بيتكلم اكيد هيقول لنا الكلمتين دول. هذا الكلام كل الدعاة بيتكلموا فيه. كل العلماء بيتكلموا فيه. بل اي مسلم طبعي اول ما بيقول السعادة يأتي في باله ان هو المفترض اكيد السعادة عند الله سبحانه وتعالى السعادة يملكتها يا رب العالمين. السعادة ازا هي - 00:02:57

التوحيد هي في الطاعة هي في العمل الصالح هي في السنة هي في الاتباع. لكن احنا احيانا بنحتاج حد صلنا القصة ديت شوية يعني خلينا نقول الاول ان ربنا بين يعني ان السعادة في هزا الطريق فعلـا - 00:03:17

انا كده دورى النهاردة اجي اشرح لك شوية الحنة ديت. هععيش كده في كلام هقول كلام من دماغي يعني كده اقعد افضفض معكم. ليه بنقول ان السعادة في اليمان وليه بنقول ان السعادة - 00:03:36

العمل الصالح ربنا قال لنا كده. ده مبدئيا قال من عمل صالحا من ذكر او انتي وهو مؤمن. من عمل صالحا من او انتي وهو مؤمن بيقى ازا ربنا اشترط حاجتين. اشترط ايمان تمام؟ واليمان دوت زي ما هنشوف يشمل اليمان بالله واليوم الآخر والقدر والملائكة والكلام دوت - 00:03:52

والشرط الثاني انه مع اليمان ده يعمل صالحا. عمل صالحا. يعني عمل موافق لهدي النبي عليه الصلاة والسلام من عمل صالحا من ذكر

او انتي وهو مؤمن فلنحيينه حياة طيبة. والحياة الطيبة هي - 00:04:20

حياة القلب والحياة الطيبة هي ديت اختصار لكل اه ايرادات الناس. كل ايرادات الناس في الاخر كله بيبحس عن حياة طيبة فيها السكينة فيها الراحة فيها اه زوال الهموم والغموم فيها سعادة فيها راحة قلب فيها صلاح بالربنا بيقول - 00:04:40

اعمل الاثنين دول هنوصله للنقطة ديت. حياة طيبة في الاخر ولا نجزي النوم اجرهم باحسن ما كانوا يعملون. ده كلام رب العالمين وربنا قال يا ايها الذين امنوا استجيبوا لله ولرسول اذا دعاكما اذا دعاكما لما ايه؟ يحييكم ازا - 00:05:00

لما يحييكم واعلموا ان الله يحول بين المرء وقلبه وانه اليه تحشرون اذا دعاكما لما ايه يحييكم يحييكم طب ما انا حي لأنك الانسان له نوعين من الحياة. حياة الابدان ودية اللي حصلت له - 00:05:21

اما آآ عادي اتولد وجد نفسه حي كبدا. وهناك حياة اخرى حياة الروح. قالوا ان الانسان علشان يحيا الحياتين مع بعض لازم يعدي عليه رسولين حياة البدن بثت فيك بسبب الرسول الملكي - 00:05:40

الرسول الملكي اللي ربنا ارسله لك بعد آآ يعني ما مكثت في بطنك ما شاء الله سبحانه وتعالى ارسل الله اليك ملك ونفح فيك الروح. ده الرسول الملكي نفح فيك الروح اللي هي الروح المادية اللي هتحيا بها كجسد - 00:06:01

لكن هناك بعد ذلك رح تانية. رح تانية لازم تثت فيك. وهذه الروح بيثها فيك محمد صلى الله عليه وسلم اللي هو الرسول البشري بقى. فاذا اجتمع منك استقبال الروح من الرسول الملكي والرسول البشري. فقد اكتملت لك - 00:06:20

الحياة. وكذلك اوحيينا اليك روحنا من امرنا. يعني هذا القرآن والوحى وكذلك اوحيينا اليك روحنا من امرنا ما كنت تدرى ما الكتاب ولا اليمان ولكن جعلناه نورا نهدي به من نشاء من عبادنا وانك لتهدي الى الصراط المستقيم - 00:06:40

يقولون ان الانسان اذا اقتصر على الروح التي بثها في الرسول الملكي يعني وهو في بطن امه فحياته لا تفرق شيء عن الكافر بل لا تفرق شيء عن حياة البهائم. فإنه والبهيمة والكافر والفاجر يشتراكون في هذا النوع من الحياة. واما - 00:06:59

الحياة التي يختص بها المؤمن هي الروح التي بثها فيه محمد صلى الله عليه وسلم بالوحى والبلاغ. وعلى قدر على قدر ما آآ يتلقى من هذا الوحي وهذا البلاغ تكمن حياته على قدر ما تلقى من هذا الوحي وهذا البلاغ وعلى قدر ما - 00:07:19

يكون نصيبه من هذه الحياة السانية. فكل ما الانسان استجاب اكتر كل ما كانت حياته اكمل. وكل ما استجابته ضعفت كل ما كانت حياته اضعف يا ايها الذين امنوا استجيبوا لله ولرسول ازا دعاكما لما ايه؟ يحييكم. فبقدر الاستجابة تكون الحياة. استجيبوا يحييكم - 00:07:39

تمام؟ بقدر الاستجابة تكون ايه؟ تكون الحياة. وربنا اللي قال لنا قال لنا آآ فمن اتبع هداي فلا يضل ولا يشقى ومن اعرض عن زكري فان له معيشة ضنكى. معيشة ضنكى. طيب - 00:08:02

خلونا نفكر كده بالراحة ليه؟ ليه؟ سعادة الانسان في اليمان. خليني النهاردة حتى اتكلم عن اليمان بس. مش هتكلم عن تفاصيل العمل الصالح خلونا ندردش كده مع بعض وقولوا لي كده تعليقكم على الكلام اللي انا هقوله لكم النهاردة. لانه كلام محتاج انت كمؤمن حتى ما تكونش - 00:08:21

كلام وانت مش فاهمه يعني انا مش عايز اطلع منكم ناس بيكولوا كلام بس هم مش حاسينه. او مش مستوعبينه. او مش فاهمين ليه احنا بنقول المؤمن هو السعيد ليه بنقول كده؟ ليه دايما بنزعم ان اليمان فيه السعادة - 00:08:46

وليه غيرنا مش ما هو كل واحد بيدي اطروحة. وانت كمسلم دي الاطروحة بتاعتك. بتقول انا باني كلامي اولا على وحي لكن كمان انا عايز اوصلك ان انت مش مجرد وحي بتنقله. ديت تجربة انت عايشها بالفعل. وعارف ليه؟ ليه اليمان هو سبب السعادة - 00:09:06

لذلك النهاردة انا هبدأ كلامي بان انا اقول ان انا ازعم انا ازعم ان مثلث السعادة مسلس السعادة الاساسي. يعني طبعا السعادة في كل اليمان وفي كل عمل صالح. لكن انا ازعم ان اصل السعادة - 00:09:27

هي في مثلث والمثلث ده هو عبارة عن اليمان اولا بالله ثم اليمان بالدار الاخره واليمان بالقدر الثالثة دول بالزلات لهم اثر كبير جدا في حياة الانسان لأنهم زى ما كان احد الكتاب يعني اللي كتبوا السعادة قال ان السعادة - 00:09:48

مش في الحاجة نفسها ولا الشقاء في الحاجة نفسها. وإنما السعادة في معتقداتك وافكارك وانت بتبعص الحاجة ديت. هو كلامه جميل فعلاً السؤال للأسف ما عرفش يطبقه لانه كان هو مش مسلم يعني. هو فعلاً بيقول كلمة قيمة جداً. بيقول ان السعادة مش في الحاجة - 00:10:15

السعادة مش في ذات المال. السعادة مش في ذات الشيء نفسه. السعادة هي ناتجة عن مجموعة افكار مجموعة معتقدات عندك بتخليلك ليك نزرة معينة من خلال مجموعة الافكار مجموعة المعتقدات بتشفو فيها - 00:10:40

أشياء فنظرتك ديت هي اللي بتحول الشيء لسعيد او بتحوله لشيء حزين وده كلام قيم. لو احنا طبقناه على الكلام اللي انا بقوله لكم دوت مسلس السعادة. ليه احنا بنقول ان اعتقادنا تصوراتنا - 00:10:59

افكارنا عن الله. عن الدار الآخرة. عن القدر. ليه بنقول ان ديت بتسبب لنا السعادة احنا مش بنضحك على نفسنا بكلام حلو وبنرددده على المنابر وفي الدروس واحنا مش عايشينه ولا نقدر نفسره. يعني لو واحد قال لك ليه - 00:11:17

الايمان بالله بيخليني سعيد. ليه الايمان باليوم الآخر مفروض يكون مصدر سعادة؟ مسألة مش مجرد عقيدة هخش بها الجنة مسألة ده مسلس مفروض يسبب لي سعادة في الدنيا. لو انت مش فاهم هو ليه بيسبب لك سعادة بيقى انت مش فاهم الدنيا ماشية ازاي. لازم - 00:11:37

المعاني وتفهمها. خليني اقول لكم كل ركن هتكلم عنه كلام بسيط يعني عشان الوقت الايمان بالله. هقول كذا نقطة في الايمان بالله. اولاً الايمان بالله هو فطرة الانسان بمعنى الانسان بطبيعته - 00:11:57

ربنا ربه تركبته ان هو يميل الى الله يحب الله وربنا اخذ علينا العهد والميساق. قال واخذ ربك منبني ادم من زهورهم زريتهم. وشهدهم على انفسهم. المست بربكم - 00:12:20

قالوا بل شهدنا تمام؟ فطلع الانسان عنده فطرة بفطرته يميل الى الله بفطرته يريد التوحيد بفطرته يصلح حاله ازا وصل الى الله وازا اشعل التوحيد فالمسلم آآ يعني خاصة اللي اتولد كده هو مش عارف هو ليه مستريح يعني هو حاسس ان هو متسق مع نفسه - 00:12:39

حاسس انه في الحلة دي تمام خاصة لو هو عايش العقيدة بجد. فميله الى الله موجود لأن هو من ساعة ما اتولد في ناس كانوا بيقولوا له ربنا وبيحب ربنا واحنا طالعين بنحب - 00:13:11

ده ربنا والتوحيد موجود فهو الجزء ده موجود عنده خلاص. عشان كده تجد ان الكافر بيبحث عن الاسلام لكن المسلم مش بيبحس في الكفر ليه يعني عمرك لقيت مسلم مسلا مسلم طبيعي يعني - 00:13:24

قرر مسلا فجأة ان هو يدور على الحق قال لك انا مش مستريح انا في الاسلام ده. انا حاسس ان انا مش آآ في حاجة مش مزبوطة. انا هروح ابحس عن الحق. فصار يقرأ في اليهودية والنصرانية - 00:13:49

والزراديشت والشيخ والكلام ده بيدور فين الصح صعب تلاقي تمام؟ ليه؟ لأن البحس المفروض بيكون فرع عن شعور بخلل البحس نفسه هو فرع عن شعورك بخلل المسلم خاصة اللي اتولد كده هو من ساعة ما اتولد حس الدنيا صح. حس ان ما فيش خلل. ما فيش جوة صرخة بتقول له الدنيا مش مزبوطة - 00:14:03

لان هو اتركب على التوحيد والميل الى الله فطالع لقى نفسه على التوحيد والميل الى الله الفطري فمش حاسس ان فيه مشكلة. مش سامع صوت جوة. مش سامع دوشه في المكنة - 00:14:30

فما بيفكرش يدور خارج الاسلام. عكس غير المسلمين. غير المسلمين دايماً عندهم رغبة في البحث ودائماً عنده سؤال ايه الصح وain الحق؟ هو مش مقتطع بيدينه حسان في حاجة غلط حسان نفسيته كل ما بيصفو - 00:14:45

بيشعر ان في خلل ما هو مش فاهم ايه هو. فاحيانا العائل فيهم بيبدأ في البحث ولما بيوصل الى الاسلام يهدأ فجأة. مش بيتجاوزه ابداً. وده تسمعه يعني اللي سمع فيكم برنامج زي بالقرآن اهتميت. لفهد الكريم - 00:15:04

البرنامج ده عظيم جداً يعني ينفي الانسان يسمعه كوييس. شف كلام اللي هم اسلموا حديثاً بيتكلموا ازاي؟ كل واحد فيهم بيحكي

قصة غير الثاني. بس كلهم بيتفقوا في النهاية ان اول ما وصل للسلام شعر بالراحة. شعر بالسکينة. شعر ان هو متسق مع نفسه. شعر بالسلام - 00:15:21

الداخلي زي ما احنا بنحب نقوله. كلمة السلام النفسي. اول ما قرأ الاسلام بكى. اول ما قرأ القرآن اتأثر. مش عارف ليه ده اللي شده اول ما قال كلمة التوحيد قعد يبكي لوحده. وهو في الحلقة بيبكي هو نفسه. ليه ما حسش ب ked في النصرانية؟ ليه ما حسش كده في اليهودية؟ ليه ما حسش كده - 00:15:41

اما ادور في دين الهنود لسبب بسيط ان احنا جسمنا ده عامل زي المكنة. مكنة والمكنة دي في ترس بيركب عليها الترس ده لما بيركب المكنة مش بتطلع صوت. بتشتغل كوييس او اي ما بتطلع صوت. لو ركبت اي ترس تاني هيزن معك - 00:16:01

هتببدأ المكنة تطلع صوت. فالصوت ده بيلفتك. فانت قاعد مدايق مدايق يعني هو ليه فيه صوت في المكنة عندي؟ فبتبدأ تدور فلما بتدور بتلقي ناس بيقولوا احنا ما عندناش الصوت اللي في المكنة ده. والدنيا معنا سليمة. فبتقول لهم ازاي؟ يقولوا لك احنا مسلمين - 00:16:23

يعني ايه الاسلام؟ طب ممكن اشوف الاسلام؟ طب تعالىمه بتقول ايه؟ اول ما يخش يبدأ الصوت اللي كان سامعه في المكنة عنده يروح ويببدأ ساعتها يشعر بالاتساق الداخلي. والسلام النفسي. وهنا يبدأ اول سلم في السعادة. ان هو صار متسق مع الفقه - 00:16:43

الصورة اللي رينا فطره عليها ركب اخيرا الترس اللي بيخلி المكنة تشتلغ كوييس وما بتطلع صوت. علشان انت المكنة بتاعتك ما طلعش صوت اصلا انت ما بتدورش. لان ما فيش حد هتبقى عربته شغالة كوييس. ما تطلع صوت يروح لميكانيكي. وانما لما 00:17:02 بيسمع صوت بيبتدي يسأل -

جماعة انا سامع صوت في العفش سامع صوت في الماتور طب روح اسئل فيسأل فيعرف انت ما بتسمعش الصوت لكن هو سامع وبالتالي بيبحس. يبقى اذا النقطة الاولى بسبب سعادة الانسان عندما يؤمن بالله تعالى انه متسق مع فطرته السليمة - 00:17:22

وان المكنة شغالة بالكتالوج الصح. وان هو دلوقتي زي ما الكتالوج بيقول هو ماشي. وبالتالي الدنيا ماشية معه كوييس واحدين بالنهاية المكنة الاولى. تعالوا اقول لكم سبب تاني. ليه اليمان بالله بيخلينا سعداء - 00:17:42

الايمان بالله بيخليها سعداء والحتة دي عايزة تركز فيها او اي او اي. لان ديت آآاهم حتة في اللي حقولها النهاردة محتاجة ان انت آآتعيش مع الكلام اللي هقوله عشان اوصلك في النهاية انا عايزة اقول ايه - 00:17:58

الانسان بطبيعة الحال دائمًا عنده ايرادات النبي عليه الصلاة والسلام لما قال كلمة جميلة قوي قال اصدق الاسماء همام وحارس. اصدق الاسماء ايه همام وحارس ليه؟ هو دي مش معناه احسن الاسماء - 00:18:13

احسن الاسماء عبدالله عبدالرحمن معروف. لكن اصدق الاسماء يعني ايه اصدق الاسماء؟ يعني اكتر اسم ينطبق على الانسان. همام وحارس. يعني ايه همام ويعني ايه حارس؟ همام يعني على طول ي يريد اشياء على طول ي يريد اشياء. دائمًا عنده ايرادات وحارس يعني بيعمل - 00:18:42

يعني انا عايزة ازاك فبذاكر. عايزة اتجوز فبشتغل. عايزة اخلف عايزة ابقى منصب فباجتهد. دائمًا ما بين عايزة وباعمل عايزة بعمل. فالانسان يا اما همام يا اما ايه؟ حادس - 00:19:02

يعني الانسان لا ينفك عن ايرادات. وكلما وصل الى مراد بدأت تتكون عنده ارادة جديدة ويببدأ يحرث في اتجاه الارادة الجديدة. تخلص الارادة دي ويوصل لها يبدأ يحرس في اتجاه ارادة جديدة. فهو دائمًا همام دائمًا - 00:19:19

طيب طالما هو همام في ظل نفسه لا تسكن نفسه لا تسكن لان هو على طول بيطلع من هم لهم حرص هم حرص هم حرث ما بيقفلش فاييرادات الانسان ليس لها نهاية - 00:19:38

لان هو بيكتشف الانسان كلما وصل الى مراد اكتشف ان هزا المراد ليس هو النهاية وانما وراءه مراد اخر ازا وصل الى مراد اكتشف ان

00:20:03 - هذا المراد مش هو النهاية. وإنما وراءه مراد آخر

بمعنى الانسان كان بيذن في يوم من الايام ان هو حبيقى سعيد لما يخلص السانوية العامة فكان ده همه وكان بيشتغل على نفسه عشان يتحقق السعادة بشهادة السانوية العامة. اول ما مسلك الشهادة بدأ - 00:20:22

فرح شوية كده وبعد كده الفرح ده زال. وببدأهم جديده اسمه الكلية والمزاكرة للكليه والتفوق. قال خلاص انا اكيد هبقى سعيد لما اتفوق في الكلية. واطلع حتى الاول. بدأ يحرس في الاتجاه دوت. وبعد كده وصل فعلا بقى حاجة كبيرة وعدى الكلية - 00:20:39
اول ما عدى الكلية ومسك الشهادة وطلع من الاوائل واتكرم خلاص خدت نشوة السعادة اللي هي الوقتية اللحزية ديت على طول هي تكون هم جديده بعديه انا اه عايزة اخش الجيش وعايز اخلصه عشان عايزة اطلع واشتغل وعايز اكون نفسي والبنت تقول طب انا دلوقتي عايزة اشتغل ولا اقعد في البيت - 00:20:59

ولا طب هيجيلى عرسان طب اعمل انهى واحد فيهم طب نسأل عالعريس ده ونسأل العريس ده دخلت في هم تانى خالص اسمه هقبل مين من العرسان يتتجوزنى والكلام دوت. بدأنا نقبل عريس فقالت خلاص انا هبقى سعيدة لقيت عريس وفتى احلامي. وهو ده الشاب اللي انا كنت بحلم به المهزب المتدلين بتاعا - 00:21:20

هيبدا هم جديد في تكوين النفس فنانة احنا هنجيب الحاجات ازاي وهنعمل فرح فين وهجيب العفش ازاي والشقة ازاي والفرح والعزائم والفسستان والاكل والشرب وال الحاجات اللي على العروسة وابويا مزنوق وابويا مديون وامي باعت الصيغة دخلنا في دوامة تانية خالص - 00:21:40

بعد ما خلص الانسان الهم ده يلا بقى ليلة العمر بقى. ليلة العمر يا معلم. ليلة العمر بقى ونفك بقى ونفرح بقى اخيرا هنشم نفسنا. خلصنا كل الهم وحرصنا في اتجاهه دخلنا في وضع جديد وهو ان الانسان اتجوز فخلاص بقى ليلة العمر بقى والحياة خلاص وردي يبدأ هم اخر - 00:22:03

تماما تماما هموم بقى ما بتخلصش طول الحياة. هم البيت وهم العيال والحمل والرضاعة والولادة والانفاق على البيت ايات سم المدارس سم التربية سم يزل الانسان ما بينفكش عن هم وحرث هم وحرص - 00:22:24

طيب ملش خلیکم استرسلوا معي وكملوا معي للاخر عشان اوصلکم امتى الانسان يفرح. طيب تخيل بقى ان الانسان مسلا قال
خلاص انا وصلت دلوقتي انا اتجوزت وخلفت تمام حلو كده لأننا عايز بقى احسن مستوى المادي. طيب كويس حسن مستواك المادي
هبتدى اشتغل شغلانة شغلانتين ده هم وحرص - 00:22:44

للاستفادة؟ لا لم يصل بعد ما يملك المال - 00:23:04

بببدأ هم اخر. يعني كونك ملكت المال. لو انت دلوقتي بقيت ملياردير. يعني خلينا نمشي مع بعض. تمام اه وصلنا ان انا بقىت ملياردير. تمام؟ هيجى لك هم تانى خالص. ايه هو الهم؟ هم ازاي احافز على المال - 00:23:17

دوب اصونه؟ ازاي يروحش مني؟ ازاي حتبقى مهموم؟ يمكن اكتر من هموم لما كنت بتكون نفسك وانت غلبان كان اقصى احلامك اجيب النيش ولا اجيب الصالون ولا هنعمل الفرح فين في مسجد ولا في قاعة؟ عشان كده حتى احده الكتاتب كان بيكتب في قرriet انا - 00:23:36

المقالة ديت انه كتب ان نسبة السعادة نسبة السعادة في الناس اللي هم متوسطي الدخل وضعيفي الدخل اكبر من نسبة السعادة في الاغنياء نسبة السعادة في الشخص اللي هو همومه همومه محدودة. همومه كلها يعني يدوبك هيأكل ايه؟ هشرب ايه؟ العيال لابسين كوييس - 00:23:57

ناموا خلاص النهاردةاليوم خلص. بيقول نسبة السعادة اكتر من نسبة السعادة في الاغنياء. ليه؟ لانه همومهم اكتر بكثير. هو عنده مصنع وعنده مزرعة وعنده فلوس في البورصة وفلوس في البنك وعنده عمال وعنده دنيا رايحة وجایة هم - [00:24:19](#) فطب الهم ده هيخلص امتي؟ طب انا معندي فلوس كتير تمام؟ انا معندي فلوس كتير. طيب ما ما اعمل فلوس تانية أمن بها الفلوس

الاولانية علشان ما احطش البيض في سلة واحدة. طب انا دلوقتي معي فلوس كتير هنا. لأن اعمل فلوس تانية علشان الفلوس
الاولانية. طب ما انا برضو عشان ائمن تجاري - 00:24:39

عايز بيقى عندي سلطة وقوة. فيبدأ صاحبنا بيقى عنده هم السلطة فيبدأ يدور ان هو يبقى منصب في البلد. عايز اخش انتخابات.
عايز ابقى آنائب في مجلس الشعب. عايز ابقى وزير. عايز ابقى محافظ. عايز ابقى قائد - 00:25:02

عايز بيقى حواليا سلطة عشان احمي مالي فيبدأ هم السلطة يتكون عنده ما كانش موجود. هاضرب لكم مثال. واحد زي الدونالد
ترامب مسلا الرئيس الامريكي السابق دونالد ترامب. دونالد ترامب اه كان في يوم من الايام احلامه انه يبقى - 00:25:18
بلياردير وفعلا بقى ملياردير. بعد ما بقى ملياردير بقى عايز بيقى رئيس امريكا. والحلم ده ما كانش عنده قبلها. بعد ما بقى رئيس
امريكا تخيل كمية الهموم اللي وكمية التعب اللي هو كان فيه بعد ما بقى رئيس امريكا واتصال وعايز تاني يرجع رئيس امريكا. عشان
يحمي تجارته. واحد زي مسلا اغنى - 00:25:33

رجل في العالم. خلينا نتكلم في اغنى رجل في العالم متخيل انت نفسك اغنى رجل في العالم كل واحد فينا بيقول ايه؟ معلش كلنا
بنقول الكلام اللي ايه المقص ده. انا لو معندي مiliار جنية انا خلاص مش عايز حاجة من الدنيا - 00:25:53
تاني لأن ما فيش حد مستحيل حتى لو بقى معك مiliار جنية هتعوز حاجة تانية. لأن انت مش هتعرف انت هتعوز ايه الا لما ما المليار
بيقوا معك تاني انت وانت قاعد دلوقتي مش مش لاقى تاكل مش انت احلامك تاكل. او احلامك اقصى احلامك بقى معندي مليون
جنية مiliار جنية - 00:26:06

انت مش ما تعرفش لما بقى معك مiliار جنية هتبقى عايز ايه الا لما بقى معك مiliار جنية يعني النبي عليه الصلة والسلام بيقول
ايه؟ لو كان لابن ادم واديا من ذهب. لما بقى له واديا من ذهب لتمنى ان يكون له واديان. ولو كان له اديان - 00:26:27
نتمنى يكون له ثالث ولا يملا فهو الا التراب. ويتبوب الله على من تاب. بقى هيفضل الانسان فيه طلبات ما بتنتهي. نرجع مسک تاني.
الله ماسك اللي هو اغنى رجل في العالم - 00:26:43

العالم الان تمام صاحب شركة تسلا المشهورة الان هو مالتي ملياردير هو اكتر ملياردير في اكبر ملياردير في العالم طيب هل لما ملك
كل مليارات دي هدي وبقى سعيد ووقف الدنيا؟ لأن فكر فكرة غريبة قوي يعني تكون عنده رغبة جديدة وحاجة جديدة عايز يعملها
عايز يعمل ايه - 00:26:55

قرر يشتري تويتر فكرة غريبة مشروع غريب خيال حاجة صرف آآ مليارات مهولة عشان يشتري تويتر. طب انت بتشتري تويتر ليه
عايز ايه من تويتر؟ هو كده دي حاجة تكونت بعد ما بقى اغنى رجل في العالم ما فيش حاجة تانية طب هروح فين بعد كده؟ كفلوس
خلاص انا خلصت - 00:27:16

انا في السقف دلوقتي. فهو الفكرة الجديدة اشتري تويتر فاشتري تويتر وبعد ما يشتري تويتر يهدى شوية فكرة جديدة هيقول لك
عايز اطلع الفضاء هيبيتدي يطلع الفضاء عايز اعيش في المريخ - 00:27:37

هو هيلوم ماسك بيتكلم في كده. عايز يبني مدينة في المريخ. يطلع بها برة الدوشه اللي احنا قاعدين فيها ديت. ويزل الانسان لا
تنتهي ارادته اللي عايز اقوله بقى بعد ما فهمتم الوصفة الغريبة اللي انا قلتها ديت - 00:27:51
ان طالما الانسان لا تنتهي ايراداتاته سيظل دائما في حالة من الهموم والغموم والتعب والحزن بقى ازا الانسان لن تسكن نفسه طالما
ايراداتاته بتتجدد وما بتتفسد ركزوا بقى انا انا هوصل لكم للنقطة اللي انا عايزها بس ركز في الكلمة اللي هقولها دي اللي جاية دي
كمان - 00:28:06

عارف ليه الانسان ايراداتاته لا تنتهي لأن كل مراد بيكتشف ان بعده مراد تاني كل مراد بيكتشف الانسان ان بعده مراد. زي ما قلت لكم
كان فاكر ان اخر الدنيا السانوية وبعد كده الكلية - 00:28:33

وبعد كده الجواز وبعد كده الخلفة وبعد كده الغنى وبعد كده المناصب. بيزل هو بيكتشف بعد كل مراد ان المراد ده مش مراد لزاته
وانما مراد لغيره. فكل ما بيوصل هنا بيكتشف ان خلصت. انا عايز اللي بعديها - 00:28:53

عايز اللي بعديها في ظل في دائرة لا تنتهي لأن ما في شيء مراد لذاته ما فيش حاجة مراده لزاتها. ايه هو الحاجة اللي في الدنيا لو وصلت لها؟ هايف وما فيش حاجة بعدها. ما فيش حاجة بتقف عندها. انما بتعمل حاجة بتكتشف - 00:29:09

بعدين في حاجة بعدها ليه ما فيش حاجة في الدنيا مراده لزاتها لأن طبيعة الاشياء ان هي لا ليس فيها حة ان ان كمالها من زاتها. انما في الآخر هي وراها حاجة برضو - 00:29:25

وهي مش هي بتديك بنفسها. انت لازم تؤمنها بحاجة تانية زائد ان ما فيش حاجة في الدنيا مضمونة السبات هي دايما عرضة للزوال سواء هي تزول او انت تزول عنها. يعني اي حاجة ليه الناس مسلا لما بيعمل مليون عايز يعمل مليون الثانية - 00:29:46
بيعمل مليون الثاني عشان يأمن المليون الاولانية. لأن المليون الاولانية هو خايف تروح عشان التجارة ديت مهددة. فانا هخش في تجارة تانية ب مليون تانية صح؟ ليه الانسان بيرحب ان هو يعمل لنفسه حماية وحراسة وبيتاع عشان خايف على نفسه هو. طب انا بعد ما عملت كل ده - 00:30:09

انا نفسي اموت طب عملنا ايه ازا كل شيء في الدنيا مهدد ب حاجتين. اما ان هو يزول او ان انت تزول عنه. الحالتين ده الحاجتين دي ما فيش حاجة في الدنيا ما فيهاش الصفة دي. هي مهددة بالزوال او انت مهدد - 00:30:30
سؤال عنها. فده سبب قلق العالم بص احنا قربناها قربنا خليك معندي. وقل لي انا بقول صح ولا لا برضو. ده سبب قلق العالم. ان مهما وصلت لشيء فينزل هناك - 00:30:48

قلق لا ينفك عن اي شخص. هو القلق من زوال الشيء او من زواله عن الشيء. زائد الهم اللي هو اصلا انك تكتشف ان الشيء ده اصلا انت لسه فيه بعديه هم تاني - 00:31:02

ده يرجعني بقى للنقطة العزيمة اللي عايز اقولها وجاوبوني متى يهدا الانسان ويسكن نفسه. ازا وصلت الى مراد ليس بعده مراد وازول عنه ولو بالموت جاوبوني ما هو متى تهدا متى يهدا الانسان وتسكن نفسه؟ اذا وصل في النهاية الى مراد ليس من بعده مراد واذا وصل الى مراد لا يزول عنك - 00:31:18

ولا ازول انا عنه ولا حتى بالموت حينها يهدا الانسان وتسكن نفسه ويسعد لانه لا يوجد هنا اضطراب ولا يوجد خوف من اي شيء فلا شك ان هذا هو الله سبحانه وتعالى. الله هو الذي له هذه الصفة - 00:32:10
لا يزول عنك لا ازول عنه. ليس من بعده مراد. ما فيش حد بيعصي ربنا عشان حاجة تانية. هو انت وصلت لربنا خلاص لذلك اسعد الناس من يريدون وجه الله؟ بس - 00:32:36

خلصت كده. اسعد الناس من يريدون وجه الله تعالى يريدون الله فده بيكتسب سعادته من كذا حاجة او لا ان هنا بيقف بيبدأ همام دي تقف لان هو خلاص هو اكتشف ان هو في الآخر يريد الله. فلما وصل انه يريد الله ووقفت الهموم - 00:32:53
سكنت النفس هدأت النفس ولما وصل الى الله حتى زالت المخاوف. فلم يعد يخف من موت. لم يعد يخف ان مراده او محبوبه ويذول عنه واضح؟ فبدأت نفسه تهدا وتسكن - 00:33:20

وبدأت الحاجات الثانية اللي هي الولاد والفلوس وال حاجات دي بقت دي بالنسبة له وسائل مش غاية فما بقتش فارقة معه كثير ما بقتش هي دي اللي بتوديه وتجيئه. ما بقتش هي دي سبب فرحة وحزنه. ما بقتش هي دي اللي قلبه بيروح وييجي معها. لان - 00:33:40

هي عبارة عن وسائل خد بقى السعادة جوة السعادة ان اي وسيلة بتوصل الى الله بمعنى ان ما بقتش في حاجة معينة هي اللي بتوصل وحاجة ما بتوصلش فلما اريد الله الله ممكن تصل اليه بالغنى - 00:34:01
ممكن اصل اليه بالفقر. ممكن تصل اليه بالصحة. ممكن اصل اليه بالمرض. ممكن اصل اليه بالتمكين ممكن اصل اليه بالاستضعفاف. ممكن اوصل اليه بالي حاجة. هو جعل لي دستور ومنهج. كل الطرق ممكن فيها عبادة - 00:34:20
توصلي ليه فده يزيد الانسان سعادة ان هو حتى السيناريوهات كلها مش فارقة معه. لان كلها مش بتخسرني المراد مش بتخسرني

المراد وده اترجم في قول النبي عليه الصلاة والسلام لما طلع من من يوم الطائف - 00:34:40

يوم الطايف كان يوم صعب. كان فيه خسایر كتير اه اتشتمت. اه اتضربت بالاحجار. اه ما كسبتش الناس
ديت بس في النهاية المراد ما خسرتلوش - 00:35:02

لما قال في دعاؤه اللهم اني اشكو اليك ضعف قوتي. وقلة حيلتي و هواني على الناس. انت رب المستضعفين وانت ربى. وآآآ الى من
تكلني الى عدو يتوجهني ام الى بعيد ملكت امري ؟ ثم قال الكلمة العظيمة وهي خلاصة السعادة - 00:35:14

قال وان لم يكن بك غضب علي فلا ابالي ان لم يكن بك غضب علي فلا ابالي ولكن عافيتك هي اوسع لي اكيد كلنا بنحب العافية.
بنحب الغنى بنحب الصحة. بس في النهاية مهما كان انا مش بخسرك. طالما انا مش بخسرك يبقى انا - 00:35:36

حاجة وده بيخلينا نفهم احيانا بعض كلام السلف ما نبقاش فاهمينه كويس الا لما حد يشرحه لنا شوية. كان بنسمع كلمة السلف دايما
نقول ايه من وجد الله فمازا فقد - 00:35:56

ومن فقد الله فمازا وجد تاني من وجد الله فمازا فقد ومن فقد الله فمازا وجد ؟ واحيانا في اسماء الله احنا مش بنبقى فاهمينها
كويس. يعني انا دلوقتي لما لما قلت لك ان عند الله تنتهي الايرادات - 00:36:10

وتسكن النفس والله ليس بعده مراد. ده من معاني اسم الله تعالى الاول والآخر هو الاول والآخر وده بيفسر لك قوله تعالى احده المعاني يعني
في قوله تعالى وان الى ربك المنتهي - 00:36:32

وان الى رب الایه ؟ المنتهي. يعني الذي ينتهي عنده كل شيء هو نفسه هو الآخر ليس بعده شيء. وهو الآخر يعني الذي ليس بعده مراد.
وان الى ربك المنتهي يعني الذي سنته اليه كاجساد وارواح - 00:36:51

في النهاية وفي الدنيا كنا ننتهي اليه ايرادات تاني وان الى ربك المنتهي يعني الذي انتهت اليه انتهت اليه اجسادنا
وارواحنا. وفي الدنيا كانت تنتهي اليه اراداتنا همومنا وحرصنا - 00:37:07

فعندما يؤمن الانسان بالله ويريد الله يسكن يسكن ازا ازا وصل الى الله الحق وممكن واحد يقول لك طب ما ممكن اجيب لك
كافر بيعبد الله بتاعه بقى تحريف فهو برضو يريد وجه الله هل يسعد ؟ نقول لا - 00:37:34

لامعلش هو انت مش هتسعد الا لما تصل الى الله الحق لان في الآخر هي السعادة بایده هو. فهو هيديها اللي وصل
له صح مش اللي وصل له غلط. هو ممكن نفس الفكرة بتاعتنا دي يطبقها نصراني او يهودي. يقول لك انا في حياتي دي لا اريد الا
وجه الله. هل يسعد - 00:37:56

محقق اقول اللي انا قلته كل اللي انا قلته احققه هل انتهت ايراداتك الدنيا هديت معى لأن في في معادلة تانية ان ان اصلا كل
المعادلة دي هتفشل لو انت وصلت للغلط في الآخر - 00:38:17

لازم تصل الى الحق لأن هو اللي في ايده في النهاية ان هو يخليك سعيد او شقي يزيل همك او يبيقيه وده برضو موجود في نفس
السورة. سورة النجم لما ربنا قال ايه ؟ وان الى ربك المنتهي - 00:38:30

واقرأ الآية اللي بعدها وانه هو اضحك وابكي. صح ؟ وان الى ربك المنتهي وانه هو اضحك وابكي وانه هو امات واحيا. امات قلوب
واحيا قلوب. اضحك افندة وابكي افندة - 00:38:49

يبقى انا لو عايز حياة القلب عايز سعادة القلب خلي المنتهي هو الله ما ينفعش غير كده. فهمنا آآآ الخاطر دوت ليه احنا بنقول ان لا
يمكن انسان يسعد ولا يهناً الا ان يكون موحدا لله - 00:39:07

زاد راغبا فيما عند الله. خد بالك ما هم في مؤمنين مش سعداء ليه ؟ هم اه موحدين. بس لم تنتهي ارادتهم عند الله. هو كلام هو
بيقول انا عايز الجنة - 00:39:29

بيقول عايز ربنا يرضي عني بس هي مش حقيقة. فكل ما الموضوع ده كان كلامه مش حقيقة يزداد لهم والغم ويبقى انت زيك زي
الكافر في الحنة ديت لكن لما الموضوع ده يبقى حقيقة. فعلا حقيقة في الانسان اللي عبر عنها النبي عليه الصلاة والسلام بالكلمة
الجميلة دي ان لم يكن بك غضب علي فلا ابالي. اللي هو فعلا - 00:39:40

عشها عايش ان انا طالما ما خسرتش ربنا ما خسرتش ديني يبقى انا مش مش ممك ايأس. تمام؟ لذلك آآ في قوله تعالى ما انزلنا عليك القرآن لتشقى ما انزلنا عليك القرآن لتشقى. واضح يا احباب - 00:40:00

مثلا قول النبي عليه الصلاة والسلام هو بيعبر عن منزومة السعادة. هي منزومة السعادة. منزومة السعادة كانت في دعاء يمكن احنا بنقوله بس احنا مش متخيلين ان الدعاء ده هو منزومة للسعادة. في كل اركان السعادة - 00:40:21

ايه هو؟ قول النبي عليه الصلاة والسلام اللهم اقسم لنا من خشيتك ما تحول به بيننا وبين معصيتك لأن المعصية هي سبب الشقاء ومن طاعتك ما تبلغنا به جنتك لأن الطاعة هي سبب السعادة. ومن اليقين اللي هو الايمان بقى ما تهون ما تهون به. علينا مصائب - 00:40:42

الدنيا ليه؟ لأن مصيبة الدنيا امتهى تهون؟ لو انا عندي يقين ان انا ما خسرتش ربنا. المصيبة ديت هل انت خسرت فيها ربنا؟ لا. ديني سليم كانت حاجة في الدنيا. طيب خلي عندك يقين اهدا بقى ما تزعلش او اي اكيد هتزعلي بس زعلك هيبقى معتدل. لأن انت حاسس اه في النهاية الحمد لله - 00:41:09

ما خسرتش ربنا. ومن اليقين ما تهون بي علينا مصائب الدنيا وبعد كده في حاجات من ساعات الانسان انه ادواته اللي بيensusى بها الى الله تكون سليمة. متعنا اللهم باسماعنا وابصارنا وقوتنا ابدا ما ابقيتنا. واجعله - 00:41:30

ارث منا واجعل ثأرنا على من ظلمنا وانصرنا على من عادنا. وبعد كده قال النبي عليه الصلاة والسلام ايه؟ اللهم لا تجعل مصيبتنا في ديننا. لأن ده الشقاء الوحيد الشقاء الوحيد في الدنيا ان تصاب في دينك - 00:41:46

انتصاب في دينك. ان انت في يوم من الايام تبقي متبرجة. ان انت ما تصليش الفجر. ان انت يعني تغتابي اتفرجي على افلام مسلسلات انت بتتفرج على عورات اباحية - 00:42:01

ده الشقاء الوحيد ده الشقاء الوحيد. اللهم لا تجعل مصيبتنا في ديننا. لأن ده اللي بيتحول بينك وبين المراد المراد اللي انت عايز توصل له بيمننك منه المعصية وبيمننك منه قلة الطاعة - 00:42:17

النصيب مصيبة الحقيقة سبب شقاء الناس في العالم كثرة المعاشي وقلة الطاعات. لأنها التي تحول بين الناس وبين الله اللهم لا تجعل مصيبتنا في ديننا ولا تجعل بضم بقى جمال الدعاء بقى كمل. ولا تجعل الدنيا اكبر همنا. ولا مبلغ علمنا - 00:42:34

ليه؟ لأن انا لو انا فعلنا الدنيا مش اكبر همي ما خلاص هو شقاء الناس جاي منين شقاء العالم جاي منين؟ ان الدنيا اكبر لهم زائد الدنيا مرادات لا تنتهي - 00:42:54

زاد الدنيا مهددة بالزوال عني وانا مهدد بالزوال عنها فلو انا وصلت ان الدنيا اكبر همي ده محور ارتکاز الشقاء تاني لو انا وصلت ان الدنيا هي اكبر همي هذا محور ارتکاز الشقاء - 00:43:10

لان انا حكمت على نفسي كده ان ايراداتي لن تنتهي الى شيء. زائد سازل دائما في حالة توتر وقلق ورعب تزول عني او ازول عنها اما اذا كان الله هو غاية امله وغاية مرادي فهنا يزول كل الم و كل هم وكل غم وكل حزن وكل قلق. لانه لا - 00:43:30

يضيع منك ابدا. بس بشرط لا تجعل مصيبتنا في ديننا ولا تجعل الدنيا اكبر همنا. ولا مبلغ علمنا ولا تسلط علينا بزنوبنا من لا يخاف كافينا ولا يرحمنا وكان بيقول في الدعاء اللهم اجعل اللهم لا تسلط علينا بزنوبنا خيرا. يقول اجعل الجنة هي دارنا وقرارنا - 00:43:53

ده دعاء سعادة. ده اركان السعادة في الدعوة ديت تمام يا اخواني هشوف الكلام البسيط دوت عشان كده خليني اكمل معاكوفي في محور تاني انا انا لازم اطلع المحور ده عشان الوقت خد بقى خد خد الفايدة الجميلة دي احنا قلنا تلت اركان انا اتكلمت في واحد بس كل ده - 00:44:19

شكل المحاضرة دي تخلص في واحد بس. بس انا لازم اقول الاثنين الثانيين الايمان بالدار الاخرة الايمان بالدار الاخرة هو محور من محاور السعادة بلا شك. بلا شك من اجمل محاور السعادة. دي اللي - 00:44:44

بتخلி كل حاجة جميلة. ان انا مؤمن بالدار الاخرة. دي اللي بتخلி المصيبة مش مصيبة دي اللي بتخلி الفرح ينضبط دي اللي بتخلி

كل حاجة جميلة. الدار الآخرة الكلمة اللي احنا بنقولها عند المصيبة هي من اسباب السعادة - 00:45:03

انا لله وانا اليه راجعون. اعتقاد الانسان انه راجع الى الله ده بيسعده ده بيخليله سعيد انا كده راجع لربنا فما فيش حاجة ها خسرها. لو انا في الدنيا فقير مش هبقى في الآخرة فقير. لو انا فعلا حققت الشروط - 00:45:24

لو انا خسرت مال حا حتسب عند الله ما فيش حاجة بتضيع لو انا لا قدر الله حد عزيز عندي مات هقابله في الآخرة ما فيش حاجة بتضيع. لو انا اصبت - 00:45:46

كسر اه عملية مرض عادي اصبر واحتسب الكلمة احتسب دي احنا بنقولها كده. بس ما نعرفش ان الكلمة دي سر بيهون اي مصيبة. لان المصيبة بتھون امتنى؟ لما اعرف ان انا ما خسرتهاش للنهاية - 00:46:10

يعني انا فقدت عزيز هقابله بس لو مؤمن بالدار الآخرة ايمان صحيح انت اصلا لو مش مؤمن ايمان صحيح انت اصلا مش هتقابله. ولو قابله هتقابله في النار لو هو على زي على دينك. لكن المسلم هو اللي بيھنأ - 00:46:27

بالموضوع ده حتى لو مات له حد عشان كده بلال وهو على فراش الموت كانت اخته تبكيه فبيقول لها علام تبكي؟ تبكي ليه غدا القى الاحبة محمد وحزبا. شف المعنى ده. هل انت شايف ان الدار الآخرة دي - 00:46:43

هي مكان لقاء محمد عليه الصلاة والسلام. هل انت شايف ان الدار الآخرة دي المكان اللي انا بحلم به عشان اقابل ابو بكر وعمر وعثمان وعلي هل انت شايف ان المكان ده ولا اخيرا هقابله فيه خديجة وعائشة وحفصة وزينب - 00:47:06

الحاسة بجمال الدار الآخرة هل انا يعني دلوقتي عندي مشكلة مع الموت انا ما عنديش مشكلة مع الموت. الحاجة اللي بتعكر الناس كلها وهي الموت بالنسبة لي الحاجة الوحيدة بس اللي بقلق منها من الموت انا مش عارف - 00:47:25

يعني انا مش مغسل وضامن جنة كل واحد فينا بيبقى عايز يعيش يمكن ازود بس اذا حضر الموت انا مش شايفه نهاية الدنيا بالعكس الموت بالنسبة لي هو بوابة الحياة - 00:47:44

الموت بالنسبة للمؤمن بالدار الآخرة هو بوابة الحياة هو ده عنق الزجاجة اللي هنطلع منه الى الفضاء الجميل الى كل سعادة. ده اللي هيطلعننا من سجن الدنيا الى جنة الآخرة. ده الوسيلة الوحيدة اني اقابل محمد عليه الصلاة والسلام اني اموت. ده الوسيلة الوحيدة اني ارى وجه الله اني اموت - 00:47:58

الوسيلة الوحيدة ان انا اشوف ابو بكر وعمر اني اموت. وبالنسبة لي الموت ده مش مش حدس تعيس لو انا صالح ومؤمن فحتى اكتر شيء بيخللي الناس كلها في توتر ده بالنسبة لي انا بعمل ومنتزدريجي لي وانا بخير - 00:48:27

عشان كده معاذ ابن جبل لما حضره الموت الناس شافوه قال الكلمة دي رأى ملك الموت فقال مرحبا بالموت مرحبا. زائرًا مغيبًا حبيب جاء على فاقه حبيب جاء على فاقه - 00:48:48

اللهم انك تعلم اني ما كنت احب الدنيا من اجل غرس الاشجار وجري الانهار وانما كنت احبها من اجل قيام ليالي الشتاء الطويلة. وصيام الهواجر والايام الحارة. ومزاحمة العلماء بالركب - 00:49:04

عند عند حلق العلم لو انت زي معاز عايش حياتك في عبادة وطاعة صيام قيام طلب علم مثلك حب الموت مش يحبوا يعني بيستعجلوا كلنا بنقلق من الموت لان انا مش مغسل وضامن جنة. بس ده من بالنسبة لي مش ده الهم - 00:49:19

انا الهم العمل اللي تحت ايديها دلوقتي. اما الموت يجي لي امتنى؟ يجي لي ازاى؟ انا مش شاغلني الا العمل اللي تحت ايدي اللي بيوصلني للمراد الله فلما الانسان يؤمن بدار الآخرة - 00:49:42

يقدر يحول اي مصيبة الى جائزة احتسب. يقدر يحول اي خسارة الى فوز. احتسب. يقدر يحول اي هم الى راحة. احتسب عجبًا لامر المؤمن ان امره كله له خير وليس ذلك لاحد الا المؤمن. ان اصابته سراء شكر فكان خيرا له. وان اصابته ضراء صبر - 00:49:57

فكان خيرا له ووصلت الفكرة شوق الانسان الى الجنة. شوق الانسان الى الله. شوق انسان الى الى الصحابة الكرام. ده بيخليل كل حاجة سهلة. انا في الدنيا دي عايش ليومين وفي الآخر عايز اوصل للناس ديت - 00:50:21

آخر عايز اشوف ربنا سبحانه وتعالى. فانا ما بقتش ما بقتش مرادات الحياة دي هي دي اللي بتوديني وتجيبيني انا ده. ده ده اللي

شاغلني. فكل حاجة سهلة بعد كده - 00:50:45

كده كل حاجة سهلة. الخسارة الوحيدة ان انت تخسر ربنا. قل ان الخاسرين ويقروا القرآن. مش احنا بنقرا سورة الزمر ولا ما بنقراش؟
قل ان الخاسرين ها الذين خسروا انفسهم. واهليهم يوم القيمة. الا ذلك هو الخسران المبين - 00:50:55

ذلك والخسران المبين. لهم من فوقهم ظلل من النار ومن تحتهم ظلل. ذلك يخوف الله به عباده. يا عبادي فاتقون واضحة؟ تعالوا بقى
نقول لكم الایمان بالقدر. بقية المسلس ليه الایمان بالقدر هو من اسباب سعادة الانسان - 00:51:15

هو من اسباب سعادة الانسان فعلا بل بدون الایمان بالقدر الواحد فعلا كان يحصل له حاجة هو ايه هو ايماني بالقدر؟ انا مؤمن بایه
اصلا؟ ما انت ما انت لو مش فاهم مش هتعرف تعيش سعادة الایمان بالقدر. انت مؤمن ان - 00:51:36

الله يعلم كل شيء. ما كان وما سيكون. ماشي. وايه كمان؟ مؤمن ان الله كتب مقادير الخالق قبل ان يخلقه كتب مقادير الخالق قبل
ان يخلقهم اصلا. حلو انت مؤمن - 00:51:54

قلنا ايه؟ كتب مقادير الخالق قبل ايه؟ قبل ان يخلقهم تمام انت مؤمن ان الله سبحانه وتعالى كل شيء بيده وانه لا يكون في ملكي الا
ما يريد سبحانه وتعالى. لا يكون في ملك الله الا ما يريد سبحانه وتعالى - 00:52:13

طيب وان الله هو الذي خلق الخير والشر وتومن بالقدر خيري وشره. حلو؟ دي منظومة زي ما قلنا في اول الكلام ان انت عبارة عن
منظومة افكار وتصورات. الافكار والتصورات دي هي اللي بتبني - 00:52:38

ايه نظرتك للحاجة اللي انت بتعامل معها؟ تعالوا نشوف ايتين ونرجع ننزل على التفاصيل احنا بنقرا في سورة الحديد. بنقرا سورة
الحديد اية في القدر. ربطة القدر بالسعادة قال الله - 00:52:53

ما اصاب من مصيبة ما اصاب من مصيبة في الارض ولا في انفسكم الا ايه؟ الا في كتاب من قبل النبرة. ان ذلك على الله ليه بقى؟
لكي لا تأسوا على ما فاتكم - 00:53:13

ولا تفرحوا بما اتاكتم. والله لا يحب كل مختال فخور. خلاص؟ خلينا ايه؟ سمعنا الاية دي. نرجع لها تاني. وبقرأ اية تانية في سورة
البغابن في سورة التغابن. قال الله تعالى ما اصاب من مصيبة الا باذن الله. ادي - 00:53:33

قدر. ما اصاب من مصيبة الا باذن الله. ومن يؤمن بالله يهدي قلبه. ومن يؤمن بالله يؤمن بالقدر يعني بالله وبالقدر يهدي قلبه. ايه
يهدي قلبه دي تمام ومن يؤمن بالله - 00:53:55

يهدي قلبه. والله بكل شيء عليم. بيكلمنا على السعادة وربطها بالایمان. طب ازاي بقى تعال اقول لك. شف انا قلت لك انت مؤمن بایه
في القدر ازاي القدر ده سبب سعادتي - 00:54:17

انت الان لا قدر الله حصل لك. ايه مصيبة. تمام اولا ما يهون عليك الامر اعتقادات احنا قلنا الموضوع كله اعتقادات وافكار انك تعلم
ان الذي فعل بك ذلك هو الله - 00:54:33

احنا قلنا ان كل شيء بيده ما اصاب من مصيبة الا ايه؟ باذن الله. فدي مبدئيا مبدئيا بتهون عليك من اللي عمل كده؟ الله فدي بتهون
عليك. ازا كان الله هو الذي اراد لي ذلك وشاء ذلك وقدر علي ذلك فالامر يهون - 00:54:53

ليه؟ لانه حكيم عليم لانه حكيم عليم. لان الله يريد الخير لعبد المؤمن. وهو يعلم ونحن لا نعلم. والله يعلم وانتم لا تعلمون عارف
مسلا لما طفل صغير مسلا يشوف باباه بيعمل حاجة غريبة هو مش فاهمها. هو مسلا داخل لقاده بيعمل حاجة بيكركب - 00:55:15
الاوضة بيعمل حاجة خد خد حاجته من درجة ما بيسألش هو بابا انت بتعمل كده ليه؟ هو لا بيستك. فهو بييجي في نفسه مرة
واحدة ده بابا يعني بابا مش مش هيأزيني، بابا مش يعني بابا مش مش - 00:55:39

اكيد بيعمل حاجة لمصلحتي. رغم ان هو شايفها في الزهر هي ضرر بس كون ده بابا ما ما يقلقش. فيبيطمن شوية طالما ده بابا فاهم؟
فازا كان هذا حال من له اب - 00:55:56

فكيف حال من له رب حكيم عليم مدبر يحب عبده المؤمن ولا يدبر له الاكل خير فاولا كون ان ربنا اللي عمل كده وانت اعتقادك ان
ربنا اللي عمل كده مش الاسباب اللي عملت ربنا اللي عمل كده فعلنا - 00:56:10

فده بيظنك بيخليك اول حاجة تسكن. وده اللي احنا بنقوله برضه اربط الكلام ببعض ما انا بوصلك واحدة واحدة معلش اصبر علي
هو الكلام ايه؟ انا بحاول اوصلوكو انت لما بتحصل مصيبة بتقول ايه - 00:56:30

قدر الله وما شاء فعل دي من اسباب السعادة. الكلمة دي من اسباب السعادة قدر الله خلاص زعلان ليه ؟ انت انت مضطرب ليه ؟ انت
قاعد تقول لو ليه ومتأسف ليه ؟ اهدا قدر الله - 00:56:44

خلاص اهدى وما شاء فعل فعل المحور الثاني للسعادة في ايمانك بالقدر. ان انت بتعلم ان زي ما قلنا ان الامور دي اتكتبت اصلا. يعني
قبل ما انا اتولد قبل ما الارض تتوجد - 00:57:02

ان ربنا كتب كل ده فلما بتحصل مصيبة وبتتعدي انت بتبقى خلاص ما عندكش ما عندكش الازمة اللي بتحصل لاي حد
بتحصل له مصيبة وهي كلمة لو كلمة لو دي من اسباب الشقاء - 00:57:17

من التأسف ان واحد مسلا يقول لو كت نزلت بدرى شوية ما كتش خبطتنى العربية. لو كنت ما عملتش كذا ما كانش حصل كذا. او لو
دي من اسباب شقاء العالم. وسببها عدم الایمان بالقدر - 00:57:35

لكن المؤمن ما بيقولش لو فيبيقفل على نفسه اكبر باب للاسى والاسى عند حصول المصائب لكن بيقول ايه؟ لكن بيقول قدر الله وما
شاء فعل. بيقول واعلم ان ما اصابك لم يكن ليخطئك - 00:57:50

وما اخطأك لم يكن ليصيبك. فيبيهذا فيبيقول طالما حصلت بيقى كان لازم هتحصل تاني بيقول طالما حصلت بيقى كان لازم هتحصل
ما كانش فيه سيناريو تاني اهدى بقى ما كانش فيه سيناريو تاني خلاص طالما حصلت بيقى - 00:58:10

لازم هتحصل اهدى بقى في اهدى فعلا وده اللي رجعني الاية اللي قلتها لكم. ما اصاب من مصيبة في الارض ولا في انفسكم الا في
كتاب من قبل ان نبرهن ذلك على الله يسیر. ليه؟ لكي - 00:58:29

لا تأسوا على ما فاتكم. خلاص اللي فاتك فاتك. ما كانش هيجي لك. ده اتكتب خلاص. وبمجرد ده التطبيق اللي اتكتب. لكي لا تأسوا
على ولا تفرحوا يعني لا تعجب بنفسك ما تعجبش بنفسك اول ما هي كانت مكتوبة برضه. يعني لو انا جا لي مليون جنيه ما تتعرجش
دي كانت مكتوبة قبل ما انت تشتغل - 00:58:42

فما تتعوچش لا تفرحوا اعوجان يعني بما اتاكم فالمعنى ده الاولاني ان ربنا الذي فعل ذلك بيهديك. تخيل بقى. المعنى الثاني بيهديك
تاني ان هو حصل خلاص مكتش بالفعل ينفع ميحصلش دي نمرة ثلاثة - 00:59:02

نمرة ثلاثة ان هي عدت والحمد لله ان هي عدت. نمرة اربعة نمرة اربعة اللي بيخليك تهدى اللي هو المفهوم بتاع لا تجعل مصيبيتنا في
ديننا. لما بتلاقي الضربة جت في الدنيا بتهدى اكتر. فبتقول - 00:59:17

الحمد لله ان هي ما كتش في ديني الحمد لله ان هي ما كانتش في ديني وجي في الدنيا فده بيهديك اكتر. بيرجعك ولا تجعل الدنيا
ايه اكتر همنا. فبتعتدي تهدى اكتر. فالهم يقل يقل. هو دايما حيفضل فيه هم. النبي - 00:59:33

عليه الصلاة والسلام بکى لما مات آآ حفيته. كان بيکي لما مات حمزة. ما هوبني ادم في الآخر. ما انا باحس بس الفكرة
احساس منضبط احساس معتدل ما فيش اسى. ما فيش الحياة مش هتفق - 00:59:52

الحمد لله ما كتش في ديني. جت في الدنيا فيهذا اكتر وبعد كده نمرة اربعة الحمد لله ان ربنا الهمني الصبر دي لوحدها بتحسسك ان
ان ده احلى من اللي فات. وده في حديث صحيح. قال النبي عليه الصلاة والسلام ما اصاب عبد مصيبة فاعطي الصبر - 01:00:07
فاعطي الصبر فاعطي الصبر الا كان الذي اعطاه خير مما اخذ منه ده المعنى ده عند المؤمن بس ما حدش بيفهمه غيرنا. عشان كده
بقول لك انت انت معك اركان السعادة - 01:00:31

تاني العبد اذا اصابه مصيبة فرزق بعدها الصبر كان مما ما اعطي افضل مما اخذ منه وفي الحديث ما اعطي احد عطاء اوسع من
الصبر المنطقه دي حسيتها؟ نمرة خمسة - 01:00:48

دي ترجعنا للدار الاخرة بقى. انك تعتقد ان لك اجر على هذه المصيبة ان لك اجر على هزه المصيبة واحدة من السلف وقعت على
صباها فاتعورت فنزلت دم. فابتسمت ابتسمت - 01:01:08

فقيل لا يعني انت منزلي دم وبتبتسمي قالت كلمة تكتب بماء الذهب اكتبوها. قالت حلاوة الاجر انسنتي مراة الالم حلاوة الاجر
انسنتي مراة الالم حلاوة الاجر انسنتي مراة الالم. خمس حاجات بتحصل لك لما تؤمن بالقدر الله الذي فعل ذلك المصيبة مكتوبة
وكان لابد - [01:01:26](#)

ان تحصل لا لا تقل لو اه المصيبة لم تكن في دينك رزقك الله الصبر وعليها اعطاك عليها اجر في الاخرة سعادة تامة بسبب ايمانك
بالقدر تعالى اختم لكم بقى طالما قلنا ان دولت تلات محاور للسعادة - [01:01:54](#)
قلنا دي تلت محاور اركان السعادة الثلاثة الاساسيين ايمان بالله واليوم الاخر والقدر. طبعا يجمع كل ذلك الانسان يتدبّر القرآن. يتدبّر
القرآن لأن القرآن شف انا كل الادلة اللي جبّتها لك من القرآن. وان الى ربك المنتهي ده قرآن. الآخر ده قرآن. آآ انا لله وانا اليه راجعون.
ده القرآن صح؟ آآ - [01:02:17](#)

آآ ما اصاب من مصيبة ده قرآن. الجامع الجامع لكل المعاني اللي قلتها هو القرآن انا بقول لك الكلمة دي عشان هختم لك بمفاجأة انت
هتحس انك اول مرة تسمعها. هتحس لاول مرة في حياتك. بتتذوق حلاوة الدعوة ديت. وبترتبطها - [01:02:37](#)
فرح وبترتبطها بالفرح اسمع مني الحديس ده كانك اول مرة تسمعه. وقل لي انت حاسس ايه وانا بقوله. معلش اكتبوا لي انت حاسس
ايه وانا بقوله. هل اول مرة تحس الاحساس ده انك فعلا ركب كل اللي انا قلته دلوقتي - [01:03:01](#)
الايمان بالله ايوة ايوة ده القدر ايوه ده اليوم الاخر ايوه القرآن تعالى النبي عليه الصلاة والسلام قال ما اصاب عبدهم ولا حزن
ما اصاب عبدهم ولا حزن فقال اللهم اني انا عبدك الايمان بالله اهو ها - [01:03:17](#)

اللهم اني انا عبدك وابن امتك. الله ناصيتي بيتك الله هو الذي ماض في حكمك. قدر عدل في قضاؤك. انت الذي تختار وانا واثق في
حكمك. فده بيهون علي. عدل فيها قضاؤك. اسألك بكل اسم هو لك - [01:03:37](#)
معرفة الله ان يكون هو المراد سميت به نفسك او انزلته في كتابك او علمته احدا من خلقك. او استأثرت به في علم الغيب عندك ان
تجعل القرآن اللي هو الجامع لكل الكلام اللي انا قلته - [01:03:59](#)

القرآن العظيم ربّي قلبي ونور صدري وجلاء همي وذهاب غمي وحزني. قال الا اذهب الله همه وغمّه ما هو ابدلته فرحا وسرورا بس
مش مجرد تقول الدعاء. تقول وانت فاهم اللي انا قلته لك دوت. عايشه. فكل كلمة فيهم بتهديك. كل كلمة فيهم - [01:04:12](#)
اقلب لك حزن سعادة لو عشناه وحسيناه وقلناه من قلبا. دا من الدعاء دا من اسباب السعادة. احنا قلنا دعائين النهاردة من اسباب
السعادة. اللهم اقسم لنا من خشيتك ودعاء - [01:04:35](#)

اللهم اني انا عبدك الاثنين دول دعائين يحولوا حياتك الى سعادة. لو انت فهمت اللي انا قلته النهاردة بس كده. انا قلت لكم ان انا
هقول لكم خواطر بس كده يعني. ليه؟ احنا بنقول ان السعادة في الايمان. ليه؟ شرحتها لكم - [01:04:48](#)
اطن ان ان شاء الله تكون المعاني وصلت يعني وصلت. طبعا انا كده شرحت التلات حاجات بس ايمان بالله وقدر لستة ما شرحتش
السعادة في الايمان بالملائكة والرسل ما شرحتش السعادة في العبادة في الصلاة والصيام السعادة في الحج السعادة في التوافل
السعادة في - [01:05:18](#)

قيام الليل السعادة في الكلم الطيب السعادة في سمع القرآن كفاية كده افهم التلاتة دول بس دول اساس الاساس هيفرقوا معك في
حياتك كلها. اللييف ده تسمعه تاني وتالت وتعيشوا وتحفزوا لأن حياتك هستستقيم بعديها. وتنشره لكل حد بتحبه - [01:05:35](#)
وربنا يا رب يرزقنا واياكم السعادة في الدارين ويا رب يكون آآ كلامي اتفهم. والخواطر دي وصلت ويا رب تكونوا عرفتوا معنى
السعادة الحقيقية وليه بنقول ان المؤمن هو السعيد؟ انا بحبكم في الله. بحب اقول لكم الحاجات الجميلة دي - [01:05:58](#)
اشكركم على حسن السمع والمتتابعة جزاكم الله كل خير. انا ربنا يرضيكم سبحانه الله ربنا وبحمدك اشهد ان لا اله الا انت. استغفرلك
واتوب اليك. سلام عليكم - [01:06:17](#)